



Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 58. Alia contentio inter S.R.I. Electores, & Burgundiæ Legatos.

[urn:nbn:de:hbz:466:1-66426](#)

Sæcul. XV.
A.C. 1433

nis, antequam Sabaudia in Ducatum erigeretur. Sabauidæ Comites jam fuerint ac nuncupari consueverint Caballiaci & Augustæ Duces; merito igitur illis præferantur, qui posteriore tempore Ducis titulum accepissent. Quibus subjugabant, sibi priorem locum repetendi ius salvum esse, si forte eorum Dux præcessione instrumentum ratum non haberet. Nihilominus primæ Sedis prærogativam haud amplius obtainere poterant etiamsi Amadæus in quadam Epistola ad Concilium scripta graviter hac de conquestus esset.

§. LVIII.

Alia contentio inter S. R. I. Electores, & Burgundiæ Legatos.

Haud dissimilis controversia oriebatur inter S. R. Imperii Electores, & Burgundiæ Ducis Legatos. Illi enim his cedere detrectabant, prout ex literis Sigismundi discimus, anno sequenti ad Synodum datis, in quibus Cæsar se summopere gavisum esse testatur, quod Patres cautelæ loco Imperii Archi-Principibus (ita S. R. I. Electores appellat Sigismundus) sedes ab eis occupandas designassent, eamque contentionem cum Burgundiæ Duce feliciter composuissent. Qualis vero locus eorum Oratoribus assignatus

tus fuerit, Imperator non exprimit, sed ~~Sæcul.~~ XV.
duntaxat testatur, quod *hujusmodi provi-*
~~A. C. 1433.~~
sio ipsius Sacri Romani Imperii, ac ipso-
rum Archii - Principum honoris expediat.
Anno sequenti de eodem jure Burgun-
diæ Ducis Oratores contendebant cum
Legatis Britanniæ Ducis; Synodus au-
tem confecto desuper instrumento die
quinta Julii publicato Burgundionibus
dextrum latus designabat. Ast hæc i-
psa sententia postmodum opera Turonen-
sis Archiepiscopi, qui Concilio interfue-
rat, revocata est. Silentio prætereo a-
lias ejusmodi controversias Anglos inter
& Castellanos motas, quas Patres, salvo
utriusque partis jure, diremerunt.

§. LIX.

*De concordia Sigismundi cum Eu-
genio Papa.*

Interea Sigismundus diuturnioris moræ
impatiens, quam a tanto tempore non
sine gravibus civium impensis, Senis tra-
hebat, & aliunde cum Florentinis pacem
inire, eosve compescere posse desperabat,
¶ Papa Eugenio Imperiali corona sole-
mniter redimiri petiit; potissimum enim
hac ex caufsa in Italiam profectus est.
Eugenius Cæsaris Legatos summis ho-
noribus exceptit, & die septima Aprilis
cum eisdem statuit, ut Sigismundus vel
- Hist. Ecclesiast. Tom. XXVII. G Vi-